



ՀԱՇՎԵՏՎՈՒԹՅՈՒՆ  
ԳՈՐԾՈՒՆԵՈՒԹՅԱՆ  
ՄԻՋՈՑԱՌՈՒՄՆԵՐԻ ԻՐԱԿԱՆԱՅՄԱՆ  
ԱՐԴՅՈՒՆՔՆԵՐԻ ՎԵՐԱԲԵՐՅԱԼ

2018 ԹՎԱԿԱՆ



## **1. ԱՌԵՎՏՐԻ ԵՎ ԾԱՌԱՅՈՒԹՅՈՒՆՆԵՐԻ ՈԼՈՐՏԻ ՕՐԵՆՍԴՐԱԿԱՆ ԿԱՐԳԱՎՈՐՄԱՆ ԿԱՏԱՐԵԼԱԳՈՐԾՈՒՄ**

### **○ Առևտրի իրականացման վայրի վաճառատեղի տրամադրման գործընթացի կանոնակարգում**

ՀՀ վարչապետի աշխատակազմ են ներկայացվել «Առևտրի և ծառայությունների մասին» ՀՀ օրենքում լրացումներ և փոփոխություն կատարելու մասին» և «Վարչական իրավախախտումների վերաբերյալ ՀՀ օրենսգրքում լրացումներ և փոփոխություն կատարելու մասին» ՀՀ օրենքների նախագծերը, որոնցով նախատեսվում է կանոնակարգել առևտրի իրականացման վայրի վաճառատեղի տրամադրման գործընթացը: ՀՀ վարչապետի հանձնարարությամբ ՀՀ Ֆինանսների նախարարության և Պետական եկամուտների կոմիտեի հետ փոխհամաձայնեցված տարբերակը ներկայացվել է ՀՀ վարչապետի աշխատակազմ: ՀՀ վարչապետի հանձնարարությամբ նախագծերը ներկայացվելու են նոր Կառավարության քննարկմանը:

### **○ Շրջիկ առևտրի իրականացման գործընթացի կանոնակարգում**

ՀՀ վարչապետի աշխատակազմ ներկայացված ««Առևտրի և ծառայությունների մասին» Հայաստանի Հանրապետության օրենքում փոփոխություն և լրացումներ կատարելու մասին» ՀՀ օրենքի նախագծի մյուս փաթեթով նախատեսվում է կանոնակարգել շրջիկ առևտրի իրականացման գործընթացը: Նախագծերը լրացուցիչ քննարկվել են ՀՀ տնտեսական մրցակցության պաշտպանության պետական հանձնաժողովի և Մարդու իրավունքների պաշտպանի հետ և լրամշակվել: ՀՀ տարածքային կառավարման և զարգացման նախարարության և Երևանի քաղաքապետարանի հետ չհամաձայնեցված կետերի մասով քննարկումները շարունակվել են: ՀՀ վարչապետի հանձնարարությամբ նախագծերը ներկայացվելու են նոր Կառավարության քննարկմանը:

### **○ Մանրածախ շուկայում մեծածախ վաճառողների գործունեության սահմանափակում**

Շրջանառության մեջ դրված «Առևտրի և ծառայությունների մասին» ՀՀ օրենքում լրացումներ կատարելու մասին» ՀՀ օրենքի նախագծի հաջորդ փաթեթը քննարկվել է շահագրգիռ մարմինների, մասնավոր հատվածի, ինչպես նաև Համաշխարհային բանկի համապատասխան փորձագետների հետ, որոնք բացասական դիրքորոշում են ներկայացրել վերջինիս վերաբերյալ՝ պետության կողմից նմանատիպ միջամտությունը համարելով ոչ նպատակահարմար: Հաշվի առնելով վերոգրյալը՝ Նախարարությունը դիմել է ՀՀ վարչապետի աշխատակազմ՝ ՀՀ վարչապետի համաձայնության առկայության պարագայում Նախագիծը շրջանառությունից հանելու առաջարկով:

## **2. ԱԶԱՏ ՄՐՑԱԿՑԱՅԻՆ ԵՎ ԱՐԴՅՈՒՆԱՎԵՏ ԳՈՐԾԱՐԱՐ ՄԻՋԱՎԱՅՐԻ ԱՊԱՀՈՎՈՒՄ**

### **○ ՓՄՁ սուբյեկտների, ներդրողների խախտված կամ վիճարկվող իրավունքների վերականգնման արտադատարանական անկախ ինստիտուտի ներդնում**

«Ձեռնարկատիրական հաշտարարի մասին» ՀՀ օրենքի նախագծի փաթեթը ՀՀ վարչապետի հանձնարարությամբ ՀՀ կառավարության նիստում քննարկման է դրվելու նոր Կառավարության ձևավորումից հետո:

### **○ «Հայաստանի գործարար միջավայրի բարելավման միջոցառումների 2019 թվականի ծրագրին հավանություն տալու մասին» ՀՀ կառավարության որոշման նախագիծ**

Նախարարության կողմից ՀԲ «Գործարարությամբ զբաղվելը» զեկույցի բարեփոխումների թիմի փորձագետների կողմից կազմված հուշագրի «Շինարարական թույլտվություններ» ցուցիչի մասով կազմակերպվել են քննարկումներ ՀԲ փորձագետների և ոլորտի շահառուների հետ:

Նախարարությունը դիմել է ՀՀ վարչապետին՝ ծրագրի նախագիծը նոր Կառավարության կազմավորումից հետո քննարկելու համար:

- «ՀՀ քրեական օրենսգրքում փոփոխություններ կատարելու մասին» և «Վարչական իրավախախտումների վերաբերյալ ՀՀ օրենսգրքում փոփոխություններ կատարելու մասին» ՀՀ օրենքների նախագծերի փաթեթին հավանություն տալու մասին» ՀՀ կառավարության որոշման նախագծերի փաթեթը ներկայացվել է ՀՀ վարչապետի աշխատակազմ:
- «ՀՀ քաղաքացիական օրենսգրքում փոփոխություններ և լրացումներ կատարելու մասին» ՀՀ օրենքի և մի շարք հարակից օրենքների նախագծերի փաթեթը ներկայացվել է ՀՀ վարչապետի աշխատակազմ: ՀՀ վարչապետի հանձնարարությամբ նախագիծը կրկին անգամ կներկայացվի ՀՀ ֆինանսների նախարարության հետ համաձայնեցնելուց հետո:
- «Հսկիչ-դրամարկղային մեքենաների ձեռքբերման և իրացման գործընթացը կազմակերպելու, ՀՀ կառավարության մի շարք որոշումներում փոփոխություններ ու լրացում կատարելու և գնման ընթացակարգ սահմանելու մասին» ՀՀ կառավարության 2017 թվականի հուլիսի 20-ի N861-Ն որոշման մեջ մեջ փոփոխություններ կատարելու մասին» ՀՀ կառավարության որոշման նախագիծը ներկայացվել է ՀՀ վարչապետի աշխատակազմ: ՀՀ վարչապետի հանձնարարությամբ նախագիծը կրկին անգամ կներկայացվի ՀՀ ֆինանսների նախարարության հետ համաձայնեցնելուց հետո:
- «Փոքր և միջին ձեռնարկատիրության ոլորտի զարգացման ռազմավարության և դրա իրականացման միջոցառումների ծրագրին հավանություն տալու մասին» ՀՀ կառավարության որոշման նախագիծ

Գերմանիայի Միջազգային Համագործակցության Ընկերության (GIZ) և Տնտեսական համագործակցության և զարգացման կազմակերպության (OECD) աջակցությամբ ՓՄՁ զարգացման նոր ռազմավարությունը մշակելու նպատակով ներգրավվել է համապատասխան փորձագիտական խումբ, որի հետ համատեղ իրականացվում են նախագծի ձևավորման աշխատանքները:

- **ՓՄՁ ոլորտի վիճակագրության և տեղեկատվության հավաքագրման կատարելագործում և ինստիտուցիոնալ կարողությունների հզորացում**

Տնտեսական համագործակցության և զարգացման կազմակերպության (OECD) հետ համատեղ կազմակերպվել է աշխատաժողով՝ «ՓՄՁ վիճակագրության բարելավումը Հայաստանում» թեմայով:

ՀՀ ազգային վիճակագրական ծառայության մասնագետներին ՓՄՁ ոլորտի վիճակագրական տվյալների հավաքագրման և մշակման ոլորտում Դանիայի և Լիտվայի վիճակագրական ծառայությունների փորձագետների օժանդակությամբ հունիսին հրապարակվել է «Ավելացված արժեքն ըստ աշխատողների թվաքանակով որոշվող ձեռնարկատիրական գործունեություն իրականացնող կազմակերպությունների չափերի» հրապարակումը 2016 թվականի համար, իսկ նոյեմբերին՝ «Փոքր և միջին ձեռնարկատիրությունը Հայաստանի Հանրապետությունում» վիճակագրական տեղեկագիրը:

- **Հայաստանի Հանրապետության հարկային օրենսգրքում առկա՝ փոքր և միջին ձեռնարկատերերի համար խնդրահարույց դրույթների վեր հանում և համապատասխան առաջարկների ներկայացում**

ՀՀ հարկային օրենսգրքում առկա ՓՄՁ-ներին վերաբերող խնդրահարույց դրույթների վերհանման նպատակով 2018թ. օգոստոսին ՀՀ մարզերում և մայրաքաղաքում կազմակերպվել են մի շարք հանդիպումներ և քննարկումներ, որոնց արդյունքում առանձնացվել են ՓՄՁ-ների բնականոն գործունեությանն առավել խոչընդոտող և հրատապ լուծում պահանջող խնդիրներ: Նշված խնդիրների լուծման առաջարկները ներկայացվել են ՀՀ փոխվարչապետի գլխավորությամբ գործող՝ Հարկային օրենսգրքի փոփոխությունների մշակման աշխատանքներն իրականացնող աշխատանքային խմբին՝ ՀՀ հարկային օրենսգրքի նախագծում ընդգրկելու նպատակով:

- **«Պետական աջակցություն Հայաստանի ՓՄՁ ԶԱԿ հիմնադրամի կանոնադրական հիմնախնդիրների իրականացմանը» 2018 թվականի ծրագրի իրագործում, այդ թվում՝**

## **ՓՄՁ-ի ոլորտում աջակցության ծրագրեր իրականացնող միջազգային կառույցների հետ համագործակցության խորացում**

2018թ. ընթացում ծրագրի շրջանակներում սկսնակ և գործող ՓՄՁ սուբյեկտների տրամադրվել է 8979 աջակցություն հետևյալ ուղղություններով.

- սկսնակ գործարարների ձեռներեցությանն աջակցություն՝ 313,
- ուսուցողական աջակցություն, այդ թվում՝ ոլորտային տեխնոլոգիական դասընթացներ՝ 314,
- տեղեկատվական և խորհրդատվական աջակցություն՝ 8010,
- սկսնակ և գործող ՓՄՁ սուբյեկտներին վարկային երաշխավորությունների տրամադրում՝ 64,
- ոլորտային աջակցության շրջանակներում դրամաշնորհների տրամադրում՝ 49,
- ՓՄՁ միջազգայնացում, ներառյալ ՁԵՏ գործունեության շրջանակներում՝ 229:

### **○ Հայաստանի Հանրապետության կորպորատիվ կառավարման կանոնակարգի վերանայում**

«Փրայստոթերսհաուս Կուպերս Հայաստան» (PwCArmenia) ընկերության հետ համատեղ մեկնարկել են կորպորատիվ կառավարման օրենսդրական բարելավման ուղղությամբ աշխատանքները, մասնավորապես՝ միջազգային մրցույթի արդյունքում արդեն իսկ ընտրվել է համապատասխան փորձագետ, որը տրամադրելու է համապատասխան խորհրդատվություն:

## **3. ԱՐՏԱՀԱՆՄԱՆ ՆԵՐՈՒԺԻ ԵՎ ՇՈՒԿԱՆԵՐԻ ՀԱՍԱՆԵԼԻՈՒԹՅԱՆ ԸՆԴԱՅՆՈՒՄ**

### **○ Հայաստանի Հանրապետության արտահանմանն ուղղված արդյունաբերական քաղաքականության ռազմավարությամբ նախատեսված միջոցառումների իրականացման պետական աջակցություն ծրագրի մշակում և իրականացում**

Պետական աջակցություն ՀՀ արտահանմանն ուղղված արդյունաբերական քաղաքականության ռազմավարությամբ նախատեսված միջոցառումների իրականացման 2018 թվականի ծրագրի շրջանակներում իրականացվել են.

**Գործարար համաժողովների (ֆորումների), ինչպես նաև այլ համանման միջոցառումների մասնակցություն և կազմակերպում.**

- «Confindustria Emilia» արդյունաբերական ասոցիացիայի կողմից լիազորված «SAHAKA Marketing and Communication Consultancy» ընկերության ներկայացուցչի հետ համատեղ հայկական 5 ընկերություն մասնակցել է Իտալիայի Բոլոնիա քաղաքում սեպտեմբերի 5-ից 6-ը կայացած «Farete» միջազգային գործարար համաժողովին:
- Եվրասիական տնտեսական հանձնաժողովի նախաձեռնությամբ, Նախարարության և Բիզնես Արմենիայի աջակցությամբ, հոկտեմբերի 22-24-ը Հայաստանում կազմակերպվել է «Եվրասիական շաբաթ» միջազգային ցուցահանդեսային համաժողովը, որին մասնակցել է 101 ընկերություն ԵԱՏՄ երկրներից, հայկական կողմից՝ 85 ընկերությունները՝ ներկայացնելով իրենց արտադրանքը: Միաժամանակ, համաժողովի ընթացքում իրականացվել են շուրջ 100 B2B հանդիպումներ:

**Օտարերկրյա պետությունում հայկական արտադրանքի վերաբերյալ գովազդի և հասարակական կարծիքի ձևավորման (PR) միջոցառումների կազմակերպում և իրականացում.**

- Նկարահանվել և հրապարակվել են ավելի քան 20 տեսանյութեր, մասնավորապես, դեղագործության, ոսկեգործության, գյուղմթերքի վերամշակման, տեղեկատվական տեխնոլոգիաների, թեթև արդյունաբերության և այլընտրանքային էներգետիկայի ոլորտների վերաբերյալ: Բացի այդ նույն ոլորտների վերաբերյալ տարբեր լեզուներով պատրաստվել և տպագրվել են բրոշյուրներ, որոնք վերոգրյալ միջոցառումների ընթացքում տրամադրվել են մասնակիցներին:

- «Global FDI reports» գործակալության հետ համագործակցության արդյունքում Արաբական Միացյալ Էմիրություններում հրատարակվող, Միջին Արևելքի և Ծոցի երկրներում տարածվող անգլալեզու Gulf News օրաթերթը հասուկ թողարկում է նվիրել Հայաստանին՝ ներկայացնելով մեր երկրի ներդրումային առավելությունները, երկրի իմիջն ու գործարար միջավայրը:
- Ստոկհոլմում հոկտեմբերի 23-24 «The Emerging Europe Alliance for Business Services, Innovation and Technology» և «Nordic IT Association» կազմակերպությունների կողմից նախաձեռնված նորարարական տեխնոլոգիաների համաժողովին ներկայացվել են Հայաստանի տեղեկատվական տեխնոլոգիաների ոլորտի ներուժը և ներդրումային առավելությունները:

### **Ցուցահանդեսների կազմակերպում և մասնակցության ապահովում.**

- փետրվարի 5-9 Մոսկվայում կայացած սննդի, խմիչքի և դրանց արտադրության հումքի «PRODEXPO 2018» միջազգային մասնագիտացված ցուցահանդեսին կազմակերպվել է հայկական 21 ընկերությունների մասնակցությունը:
- մարտի 13-16-ը Մոսկվայում կայացած կաշվե իրերի, կոշիկի և դրանց արտադրության համար հումքի միջազգային «Модамоз» ցուցահանդեսին կազմակերպվել է կոշիկ և կաշվե պարագաներ արտադրող 8 հայկական ընկերությունների և ԱԶ-երի մասնակցությունը:
- մարտի 20-23 Մոսկվայում կայացած «Текстильлегпром 2018» 50-րդ ցուցահանդեսին կազմակերպվել է 5 հայկական ընկերությունների մասնակցությունը:
- սեպտեմբերի 4-ից 7-ը ՌԴ Մոսկվա քաղաքում կայացած «CPM- Collection Premiere Moscow» ցուցահանդեսին կազմակերպվել է թեթև արդյունաբերության և նոսաձևության ոլորտի հայկական 14 ընկերության մասնակցությունը:
- սեպտեմբերի 10-ից 13-ը Մոսկվայում կայացած կաշվե իրերի, կոշիկի և դրանց արտադրության համար հումքի միջազգային «Модамоз» ցուցահանդեսին կազմակերպվել է կոշիկ և կաշվե պարագաներ արտադրող 6 հայկական տնտեսվարողների մասնակցությունը:
- սեպտեմբերի 26-ից 30-ը 8 հայկական տնտեսվարողների մասնակցել են «Junwex Moscow» միջազգային ոսկերչական ցուցահանդեսին:
- հոկտեմբերի 21-25-ը 11 հայկական ընկերություններ մասնակցել են «SIAL Paris 2018» միջազգային սննդի ցուցահանդեսին:

### **Արտադրական գործունեության վարկավորման սուբսիդավորում.**

2018թ-ի ընթացքում տրամադրվել է 26 վարկերի սուբսիդավորվում՝ 131.4 մլն ՀՀ դրամ ընդհանուր գումարով:

- **Եվրոպական միության հետ կնքված Համապարփակ և ընդլայնված գործընկերության համաձայնագրից բխող առևտրատնտեսական հարաբերությունների զարգացմանն ուղղված քայլերի իրականացում**

2018թ. սեպտեմբերի 25-ին Երևանում տեղի է ունեցել Հայաստանի Հանրապետություն -Եվրոպական Միություն Առևտրի հարցերով գործընկերության կոմիտեի առաջին նիստը, որի ընթացքում քննարկվել են ՀՀ-ԵՄ առևտրատնտեսական համագործակցության ամրապնդմանը և ընդլայնմանը առնչվող, ինչպես նաև «GSP+» արտոնյալ առևտրայի ռեժիմի շրջանակներում ԵՄ կողմից իրականացվող դիտանցմանը, ԵՄ-Հայաստան Համապարփակ և ընդլայնված գործընկերության համաձայնագրի իրականացման նոր հնարավորություններին, երկկողմ համագործակցությանն առնչվող հարցեր:

- **Եվրոպական միության հետ կնքված Համապարփակ և ընդլայնված գործընկերության համաձայնագրի կիրարկման ճանապարհային քարտեզի՝ առևտրի և առևտրին առնչվող մասով մշակման աշխատանքներին մասնակցություն**

Մշակվել և ՀՀ շահագրգիռ նախարարությունների և մարմինների հետ քննարկվել է ՀՀ-ԵՄ Համապարփակ և ընդլայնված գործընկերության համաձայնագրի առևտրի և առևտրին առնչվող հարցերի մասի՝ 12 ուղղությունների կիրարկման ճանապարհային քարտեզը: Համաձայնագրի Առևտուր և առևտրին առնչվող հարցերի մասի ներքո համագործակցության շրջանակներում իրականացվելիք միջոցառումների ճանապարհային քարտեզի նախագիծը հետևյալ ոլորտներում՝ ապրանքների առևտուր, մաքսային ոլորտ, առևտրի տեխնիկական խոչընդոտներ, սանիտարական և բուսասանիտարական միջոցառումներ, ծառայությունների առևտուր, հիմնադրում և էլեկտրոնային առևտուր, ընթացիկ վճարումներ և կապիտալի տեղաշարժ, մտավոր սեփականություն, պետական գնումներ, առևտուր և կայուն զարգացում, մրցակցություն, պետական ձեռնարկություններ, թափանցիկություն, հանգամանորեն քննարկվել է եվրոպական կողմի հետ՝ ս.թ. սեպտեմբերի 25-ին Երևանում տեղի ունեցած ՀՀ-ԵՄ Առևտրի հարցերով գործընկերության կոմիտեի առաջին նիստի ընթացքում:

**○ Եվրասիական տնտեսական միության (ԵԱՏՄ) շրջանակներում մի շարք երրորդ երկրների հետ ազատ առևտրի համաձայնագրերի կնքման ուղղությամբ աշխատանքներ**

**ԵԱՏՄ – Հնդկաստան**

Հնդկական կողմի խնդրանքով բանակցային փուլի անցկացումը հետաձգվել է մինչև 2019 թվականի հունվար-փետրվար ամիսները: Համաձայնագրի նախնական տեքստը 2018թ. հոկտեմբեր ամսվա դրությամբ համաձայնեցվել է ԵԱՏՄ անդամ պետությունների միջև և ուղարկվել հնդկական կողմին:

**ԵԱՏՄ – Իսրայել**

2018 թվականի ապրիլի 23-ից 24-ը Մոսկվայում, իսկ՝ հոկտեմբերի 8-11-ը Իսրայելի Հանրապետությունում տեղի են ունեցել Համաձայնագրի կնքման բանակցությունների 2-րդ և 3-րդ փուլերը: ԵԱՏՄ շրջանակում նախնական համաձայնեցվել են արտահանման հետաքրքրություն ներկայացնող ապրանքային ցանկերը, սակագնային պարտավորությունները և դրանցից հանումները՝ իսրայելական կողմի հետ պարտավորությունների փոխանակում իրականացնելու նպատակով: Հերթական բանակցային փուլը նախատեսվում է անցկացնել 2019 թվականի փետրվար-մարտ ամիսներին:

**ԵԱՏՄ – Սինգապուր**

2018թ. հունիսի 4-ից 8-ը Ղազախստանի Հանրապետությունում տեղի է ունեցել Համաձայնագրի բանակցությունների 4-րդ փուլը: Սեպտեմբերի 2-7-ը Սինգապուրում անցկացվեց Համաձայնագրի շուրջ բանակցային 5-րդ փուլը: Դեկտեմբերի 3-6-ը ք. Մոսկվայում տեղի է ունեցել բանակցությունների հերթական 6-րդ փուլը: Համաձայնագրի նախագծի լրամշակված տարբերակը՝ ըստ բաժինների, քննարկումների արդյունքում համաձայնեցվել է ԵԱՏՄ փորձագետների միջև կայացած խորհրդակցությունների ժամանակ: Նախնական պայմանավորվածություն է ձեռք բերվել առ այն, որ նշված Համաձայնագրի շուրջ կայանալիք հերթական 7-րդ փուլը կանցկացվի 2019 թվականի փետրվար ամսին:

**ԵԱՏՄ-Եգիպտոս**

Եգիպտական կողմի նախապատրաստած ազատ առևտրի մասին համաձայնագրի նախագիծը ներկայացվել է ԵՏՀ և ուղարկվել է ԵԱՏՄ անդամ պետություններ՝ նախագծի վերաբերյալ դիրքորոշում ներկայացնելու նպատակով: Եվրասիական տնտեսական հանձնաժողով ներկայացվել է ՀՀ-ի համար Եգիպտոս արտահանման հետաքրքրություն ներկայացնող նախնական ապրանքային ցանկերը Համաձայնագրի մեջ ներառելու նպատակով: Բանակցությունների առաջին փուլը տեղի է ունեցել 2019 թվականի հունվարի 15-17-ը ք. Կահիրեում:

**ԵԱՏՄ- Սերբիա**

2018 թվականի հոկտեմբերի 2-ից 3-ը ԵԱՏՄ և Սերբիայի Հանրապետության միջև ազատ առևտրի մասին համաձայնագրի շուրջ կայացած բանակցային 2-րդ փուլից հետո սերբական կողմը ակնկալում է լրացուցիչ սակագնային արտոնությունների ստացում պանրի որոշակի տեսակների,

ալկոհոլային խմիչքների և ծխախոտի մասով: 2019 թվականի հունվարի 10-ից 11-ը Սերբիայում տեղի է ունեցել Համաձայնագրի կնքման շուրջ բանակցությունների 3-րդ փուլը:

**○ ԵԱՏՄ-ի շրջանակներում բանակցային գործընթացներին (ԵԱՏՄ-Իրան և ԵԱՏՄ-Չինաստան մասով) մասնակցություն՝ ըստ նախորդ փուլերի արդյունքների**

2018 թվականի մայիսի 17-ին Աստանայում ստորագրվել են.

- «Եվրասիական տնտեսական միության ու դրա անդամ պետությունների՝ մի կողմից, և Իրանի Իսլամական Հանրապետության միջև՝ մյուս կողմից, ազատ առևտրի գոտու ձևավորմանն ուղղված» Ժամանակավոր Համաձայնագիրը: Ներկայումս իրականացվում է համաձայնագրի վավերացման գործընթացը:
- «ԵԱՏՄ անդամ պետությունների և ՉԺՀ-ի միջև առևտրատնտեսական համագործակցության մասին» համաձայնագիրը: Ներկայումս իրականացվում է համաձայնագրի վավերացման գործընթացը:

**○ Ոսկերչական իրերի՝ ԵԱՏՄ-ի երկրներում հարգադրոշմման փոխճանաչելիության ապահովում**

Ոսկերչական իրերի՝ ԵԱՏՄ երկրներում հարգադրոշմման փոխճանաչելիության ապահովման դրույթները նախատեսվում են կարգավորել «ԵԱՏՄ մաքսային տարածքում թանկարժեք մետաղների և թանկարժեք քարերի հետ կապված գործառնությունների իրականացման առանձնահատկությունների մասին» Համաձայնագրի համապատասխան հոդվածներով:

Համաձայնագրի նախագծի մշակման աշխատանքներն ավարտվել են: ԵՏՀ 2018թ. հոկտեմբերի 2-ի հանձնարարականով Համաձայնագրի նախագիծն ուղարկվել է անդամ-պետություններին՝ ներպետական համաձայնեցումներ իրականացնելու նպատակով: Նախատեսվում է, որ Համաձայնագիրը կսկսի գործել 2019թ. չորրորդ եռամսյակից:

**○ Գործող արտոնությունների համակարգերի կիրառման շարունակականության ապահովում (GSP, GSP+ և այլ)**

«GSP+» առևտրային ռեժիմի շրջանակներում ԵՄ կողմից իրականացվող 2018թ. մոնիտորինգի փուլի շրջանակներում պատրաստվել, ամփոփվել և եվրոպական կողմին է տրամադրվել ՀՀ զեկույցը՝ 27 միջազգային կոնվենցիաների արդյունավետ իրականացումը գնահատելու նպատակով:

«GSP+» արտոնյալ առևտրային ռեժիմի ներքո «Գրանցված արտահանողների համակարգը» (REX) ներդրվել է 2018թ. հունվարից: Արտադրողները և արտահանողները տեղական ծագման ապրանքները ԵՄ շուկա արտահանելու նպատակով կարող են գրանցվել REX էլեկտրոնային համակարգում, որը հնարավորություն է տալիս «GSP+» արտոնյալ առևտրային ռեժիմի շրջանակներում ԵՄ արտահանումներն իրականացնել առանց ծագման երկրի Ա ձևի հավաստագրի՝ յուրաքանչյուր արտահանման դեպքում ներկայացնելով միայն ծագման հավաստման հայտարարություն: «Գրանցված արտահանողների համակարգը» (REX) նպաստում է ԵՄ արտահանման գործընթացի դյուրացմանը և հնարավորություն է տալիս արտահանողին կրճատելու ծախսերը և խնայելու ժամանակը: Մինչ այսօր կատարվել է 35 հայկական կազմակերպությունների խորհրդատվության տրամադրում և գրանցում «REX» համակարգում:

**○ Առևտրային ներկայացուցիչների ինստիտուտի կատարելագործում և ընդլայնում**

Շրջանառության մեջ է դրվել «Վրաստանի Հանրապետությունում Հայաստանի Հանրապետության առևտրական ներկայացուցիչ նշանակելու մասին» ՀՀ վարչապետի որոշման նախագիծը:

Առևտրական ներկայացուցիչների ինստիտուտի կատարելագործման և ընդլայնման՝ Իրանի Իսլամական Հանրապետությունում, Ամերիկայի Միացյալ Նահանգներում և թիրախային այլ երկրներում նոր ներկայացուցիչների նշանակման հետ կապված քննարկումներ են ընթանում ՀՀ շահագրգիռ նախարարությունների և գերատեսչությունների հետ:

**○ Հայաստանի համար թիրախային շուկաներում գործող ներմուծման ընթացակարգերի վերաբերյալ տեղեկատվական ամբողջական հասանելիության ապահովում**

Նախարարության պաշտոնական կայք-էջում տեղադրված են 7 թիրախային շուկաների (Արաբական Միացյալ Էմիրություններ, Չինաստանի Ժողովրդական Հանրապետություն, Ամերիկայի Միացյալ Նահանգներ, Իրանի Իսլամական Հանրապետություն, Քաթար, Լիբանան և Վրաստան) մասով ներմուծման ընթացակարգերի ամփոփ տեղեկագրերը: Ներկայումս իրականացվում են ևս 3 շուկաների մասով վերջնական շտկումներ, որոնք ևս կտեղադրվեն կայք-էջում:

**○ Հայկական արտահանող արտադրողների և նրանց արտադրանքի վերաբերյալ տվյալների էլեկտրոնային հարթակի ներդրում**

Աշխատանքներ են իրականացվել հայկական արտահանող արտադրողների և իրենց կողմից արտադրված ապրանքատեսակների վերաբերյալ շտեմարանի մշակման ուղղությամբ: Յուրաքանչյուր արտադրողի մասով ներկայացվել է հետևյալ տեղեկատվությունը՝ գործունեության ոլորտը, կազմակերպատեսակական տեսակը, կոնտակտային տվյալները, արտադրվող արտադրանքի ԵԱՏՄ ԱՏԳ ԱԱ ծածկագիրը, տվյալ արտադրանքի արտահանման ներուժային շուկաները: Շտեմարանը տեղադրված է Նախարարության պաշտոնական կայք-էջում:

**○ Արտահանման ապահովագրության ծավալի աճի ապահովում**

2018 թվականի ընթացքում «Հայաստանի արտահանման ապահովագրական գործակալություն» ԱՓԲԸ գործունեության արդյունքում 31 տնտեսվարող սուբյեկտների հետ կնքել է 592 ապահովագրական վկայագրեր, որոնց.

- ընդամենը ապահովագրական գումարը կազմել է 7,851.16 մլն ՀՀ դրամ, աճը նախորդ տարվա նկատմամբ՝ 173.2%,
- հավաքագրված ապահովագրավճարը կազմել են 75.5 մլն ՀՀ դրամ, աճը նախորդ տարվա նկատմամբ՝ 195.0%:

**○ Որակավորման ստուգման ծրագրեր իրականացնող և միջլաբորատոր փորձարկումներ կազմակերպող միջազգային պրովայդեր կազմակերպության ներկայացուցչության ստեղծման իրավական հիմքերի ձևավորում**

«Հավատարմագրման մասին» ՀՀ օրենքում փոփոխություններ և լրացումներ կատարելու մասին ՀՀ օրենքի նախագիծը ներկայացվել է ՀՀ կառավարություն: Օգոստոսի 22-ին ՀՀ վարչապետի հանձնարարականով օրենքի նախագիծը ներկայացվել է լրացուցիչ քննարկման: Համաձայն ՀՀ վարչապետի հանձնարարության՝ Օրենքի նախագիծը կներկայացվի նոր Կառավարության քննարկմանը:

**4. ՆԵՐԴՐՈՒՄՆԵՐԻ ԽԹԱՆՈՒՄ**

**○ Թվով 2 թիրախային ոլորտներում օտարերկրյա ներդրումների ներգրավման վերաբերյալ առաջարկությունների ներկայացում**

Նախարարությունը Համաշխարհային բանկի խմբի անդամ Միջազգային ֆինանսական կորպորացիայի հետ համատեղ իրականացված աշխատանքների արդյունքում թիրախավորել է ՀՀ տնտեսության երկու արտադրության ոլորտներ՝ պանրի արտադրությունը և ջերմոցային գյուղատնտեսությունը:

**○ Տնտեսական համագործակցության և զարգացման կազմակերպության՝ օտարերկրյա ուղղակի ներդրումների կարգավորումների սահմանափակման ինդեքսի վարկանիշում Հայաստանի ներառման ապահովում**

Տնտեսական համագործակցության և զարգացման կազմակերպության՝ օտարերկրյա ուղղակի ներդրումների կարգավորումների սահմանափակման ինդեքսի վարկանիշում Հայաստանի ներառ-



ման ապահովման նպատակով Նախարարության կողմից 22 ոլորտներ ներառող լրացված հարցաշարերը ամփոփվել, թարգմանվել և տրամադրվել է ՏՀԶԿ փորձագետներին համապատասխան վերլուծություններ իրականացնելու և ՕՈՒՆ կարգավորումների սահմանափակման ինդեքսի վարկանիշում Հայաստանի ներառման գործընթացը վերջնականացնելու նպատակով:

**○ Ներդրումների խրախուսման և փոխադարձ պաշտպանության համաձայնագրերի մոնիթորինգ և արդյունավետության բարձրացմանն ուղղված աշխատանքներ՝ ներառյալ համաձայնագրի ներկա օրինակելի մոդելի վերանայում**

Մշակել է նոր նախագիծ՝ միջազգային լավագույն փորձին համապատասխան: Օրինակելի ձևը (հայերեն և անգլերեն) տրամադրվել է ՀՀ արդարադատության նախարարություն՝ ռուսերեն լեզվով թարգմանությունն ապահովելու նպատակով: Որոշակի ճշգրտումներ իրականացնելուց հետո վերոնշյալ նախագիծը կդրվի շրջանառության մեջ՝ շահագրգիռ գերատեսչություններից կարծիքներ ստանալու նպատակով:

**○ «Պետություն-մասնավոր գործընկերության մասին» ՀՀ օրենքի նախագծին հավանություն տալու մասին» ՀՀ կառավարության որոշման նախագիծ**

ՀՀ կառավարության 2018թ. սեպտեմբերի 6-ի N1012-Ա որոշմամբ հավանություն է տրվել «Պետություն-մասնավոր գործընկերության մասին» ՀՀ օրենքի նախագծին:

**5. ՏՆՏԵՍՈՒԹՅԱՆ ԻՆՈՎԱՑԻՈՆ ԶԱՐԳԱՑՈՒՄ**

**○ Հայաստանի Հանրապետության ինովացիոն էկոհամակարգի քարտեզագրմանն ու ոլորտի կարողությունների գույքագրմանն ուղղված աշխատանքների ապահովում**

Գերմանական միջազգային համագործակցության ընկերակցության աջակցությամբ ներգրավված տեղական և միջազգային փորձագետների հետ համատեղ իրականացվել են Հայաստանի Հանրապետության ինովացիոն էկոհամակարգի քարտեզագրմանն ու ոլորտի կարողությունների գույքագրման աշխատանքները: Արդեն գործում է <http://www.engineering-armenia.am> կայքը, որտեղ հասանելի է ինժեներական և բարձր տեխնոլոգիական ոլորտի կազմակերպությունների գույքագրման արդյունքները ներառող տվյալների բազան:

**○ Հայաստանում հետազոտություններ ու մշակումներ իրականացնող լաբորատորիաների/կենտրոնների ձևավորման և համատեղ ծրագրերի իրականացման նպատակով վերագային կազմակերպությունների ներգրավման աշխատանքների իրականացում**

2018թ. հոկտեմբերի 5-ին Նախարարությունում «Մայքրոսոֆթ» ընկերության ներկայացուցիչների հետ տեղի ունեցած հանդիպման ընթացքում քննարկվել են համագործակցության հնարավորությունները, այդ թվում՝ 2011թ. Հայաստանում հիմնված Մայքրոսոֆթ ինովացիոն կենտրոնի հենքի վրա Հայաստանում «Մայքրոսոֆթ»-ի հետազոտությունների և մշակումների կենտրոնի ստեղծմանն ուղղությամբ:

Նոյեմբերի 14-ին ՀՀ վարչապետի աշխատակազմի ղեկավարի մոտ Նախարարության, «Էլեկտրոնային կառավարման ենթակառուցվածքների ներդրման գրասենյակ» ՓԲԸ-ի և «Մայքրոսոֆթ» ընկերության ներկայացուցիչների մասնակցությամբ կայացած հանդիպման ընթացքում «Մայքրոսոֆթ»-ի կողմից ներկայացվել է տեղեկատվություն «Microsoft Azure Bot» հարթակի վերաբերյալ, որի միջոցով ստեղծվող արհեստական բանականությամբ խելացի բոտերը հնարավոր է կիրառել ՀՀ պետական մարմիններին ուղղված քաղաքացիների գրություններին նորարարական լուծումների միջոցով առավել դյուրին, արագ և ավտոմատացված պատասխանելու համար:

**○ Հայաստանում ազգային բիզնես ինկուբատորի ստեղծմանն ուղղությամբ աշխատանքների իրականացում**

Հաշվի առնելով տնտեսության տարբեր ճյուղերի զարգացմանն ուղղված նորարար գաղափարներ ունեցող սկսնակ թիմերին և ընկերություններին մեկ պատուհանի սկզբունքով մեկ միասնական կառույցում նախահնկուբացիոն, ինկուբացիոն և հետինկուբացիոն աջակցության տրամադրման կարևորությունը՝ մշակվել է ազգային բիզնես ինկուբատորի ստեղծման ծրագրի կոնցեպտը, որը ներկայումս գտնվում է քննարկման փուլում:

## **6. ՄՏԱՎՈՐ ՍԵՓԱԿԱՆՈՒԹՅԱՆ ՈԼՈՐՏԻ ՀԱՐԱԲԵՐՈՒԹՅՈՒՆՆԵՐԸ ԿԱՐԳԱՎՈՐՈՂ ՕՐԵՆՍԴՐՈՒԹՅԱՆ ԿԱՏԱՐԵԼԱԳՈՐԾՈՒՄ**

- **«Հեղինակային իրավունքի և հարակից իրավունքների մասին» ՀՀ օրենքի նախագծի փաթեթը** սահմանված կարգով ներկայացվել է ՀՀ վարչապետի աշխատակազմ:
- **«Արտոնագրերի մասին» և «Արդյունաբերական դիզայնի մասին» ՀՀ օրենքների նախագծերը** ներկայացվել են ՀՀ վարչապետի աշխատակազմ: ՀՀ վարչապետի հանձնարարության համաձայն նախագծերը կներկայացվեն նոր Կառավարության քննարկմանը:
- **«Ապրանքային նշանների մասին» ՀՀ օրենքում փոփոխություններ և լրացումներ կատարելու մասին» ՀՀ օրենքի նախագիծը** ամբողջական փաթեթով ներկայացվել է ՀՀ վարչապետի աշխատակազմ:

## **7. ԶՔՈՍԱՇՐՋՈՒԹՅԱՆ ՈԼՈՐՏԻ ԶԱՐԳԱՑՄԱՆ ՆԱԽԱՁԵՈՒՆՈՒԹՅՈՒՆՆԵՐԻ ԻՐԱԿԱՆԱՑՈՒՄ**

- **Ֆրանկոֆոնիայի 2018 թվականի գագաթնաժողովի շրջանակում Ֆրանկոֆոն ավանի ծրագրի մշակմանը և իրականացմանը մասնակցություն, ինչպես նաև՝ գագաթնաժողովի՝ Հայաստան ժամանած մասնակիցների համար Հայաստանում տուրերի պատշաճ կազմակերպման ապահովում**

Ֆրանկոֆոնիայի գագաթնաժողովի ընթացքում Հայաստան ժամանած շուրջ 500 հյուրերի համար կազմակերպվել են տուրեր Հայաստանի մի շարք զբոսաշրջային գրավչության վայրեր:

Համակարգվել է Գագաթնաժողովի շրջանակներում բացված Ֆրանկոֆոն ավանում Հայաստանի ներկայացումը: Գագաթնաժողովի հյուրերին տրամադրելու նպատակով թարգմանվել և 3000 օրինակ տպագրվել են Հայաստանի մասին գովազդային փաթեթներ (բրոշյուրներ, քարտեզներ, թռուցիկներ), որոնք բաժանվել են գագաթնաժողովի մասնակիցներին Ֆրանկոֆոն ավանում և Մարզահամերգային համալիրում:

- **Միջազգային և դոնոր կազմակերպությունների հետ բանակցություններ՝ սատելիտային հաշիվ համակարգի ներդրման, ներառյալ՝ զբոսաշրջային այցելությունների վիճակագրական հետազոտության իրականացման նպատակով ֆինանսական միջոցներ ներգրավելու ուղղությամբ**

Վիճակագրության վարման մեթոդների բարելավման ուղղությամբ Զբոսաշրջության սատելիտային հաշիվ համակարգի (Tourism Satellite Account) ներդրմանն ուղղված միջոցառումների իրականացման նպատակով անհրաժեշտ է իրականացնել ՀՀ սահմանային անցման կետերում միջազգային այցելությունների վերաբերյալ 3-րդ հետազոտությունը, որի ուղղությամբ Համաշխարհային Բանկի հետ բանակցային գործընթաց է իրականացվում:

- **Զբոսաշրջության զարգացման տարեկան ծրագրերի իրագործում**

- «ITB BERLIN 2018» ցուցահանդեսի շրջանակում իրականացվել է «Բացահայտիր Հայաստանը» խորագրով շնորհանդես:
- Հայաստանը մասնակցել է Ցինդաո քաղաքում տեղի ունեցած Շանհայի համագործակցության կազմակերպության անդամ երկրների ներմուծվող ապրանքների ցուցահանդեսին:

- Սմիթսոնիան հաստատության կողմից կազմակերպված «Ֆոլքլայֆ» ամենամյա փառատոնի շրջանակներում ԱՄՆ 3 քաղաքներում կայացել են հանդիպումներ զբոսաշրջության ոլորտի շուջ 70 կազմակերպությունների և շուրջ 40 մասնագիտացված լրատվամիջոցների ներկայացուցիչների հետ: Նկարահանվել է Smithsonian Folklife փառատոնի վերաբերյալ կարճ տեսահոլովակ: Մասնացության արդյունքում ԱՄՆ-ում հիմնվել է Հայաստանի զբոսաշրջային գրասենյակը:
- Հայկական պատվիրակությունը մասնակցել է Դուբայում կազմակերպված Հայաստանի զբոսաշրջային արդյունքը ներկայացնող և Հայաստանի՝ որպես զբոսաշրջության համար գրավիչ ու բարենպաստ ուղղության ճանաչելիության բարձրացմանն ուղղված՝ «Հայաստան. Ժամանակն է բացահայտելու» խորագրով շնորհանդեսին:
- Հայաստան են հրավիրվել ավելի քան 50 ՁԼՄ ներկայացուցիչներ և բլոգերներ: Այցերի արդյունքում նկարահանվել է 15 տեսանյութ, հրապարակվել են շուրջ 100 հոդվածներ, արձանագրվել է ավելի քան 3 մլն դիտում:
- «Օրեր» եվրոպական անկախ ամսագրում տպագրվել է առաջին հոդվածը Հայաստանի զբոսաշրջային գրավչությունների վերաբերյալ:
- Հանդիպում է տեղի ունեցել Լիբանանի «Վանա ձայն» ռադիոկայանի տնօրենի հետ: «Վանա ձայնի» եթերում Մերձավոր Արևելքի երկրների ունկնդիրների համար շարունակել է «Երազի երկիր» խորագրով հաղորդաշարը (11 հաղորդում):
- Ապահովվել է Հայաստանի 36 և Արցախի 3 զբոսաշրջային ընկերությունների մասնակցությունը միջազգային 6 զբոսաշրջային ցուցահանդեսներին:
- Կազմակերպվել և անց են կացվել 5 մարզային ավանդական փառատոններ («Թութ» խորագրով «Սյունյաց ավանդույթներ», Դիլիջան համայնքում պատմամշակութային վերածննդին նպաստող, Արենի համայնքում Գինու փառատոն, Ախթալա համայնքում Խորոված խորագրով Ավանդական ուտեստների մրցույթ-փառատոն, Հնաբերդ համայնքում Տոլմա խորագրով Ավանդական ուտեստների մրցույթ-փառատոն):
- Ապահովվել է մասնակցությունը Շվեյցարիայի Համադաշնություն (ԺՆՆ)՝ ԺՆՆ Կանտոնի Առևտրաարդյունաբերական պալատում (CCIG) անցկացվող «Հայաստան. բացահայտեք հնարավորությունները» խորագրով գործարար համաժողովին,
- Հայկական պատվիրակությունը մասնակցել է Հունաստանի Սալոնիկ քաղաքում կազմակերպված «Մետաքսի ճանապարհի զբոսաշրջություն» թեմայով 8-րդ միջազգային համաժողովի աշխատանքներին:
- Մշակվել է «Ռուսական հետք Հայաստանում» զբոսաշրջային արդյունքը, որի շնորհանդեսը տեղի է ունեցել սեպտեմբերի 21-ին Ռուսական պետական թանգարանի Միխայլովյան դղյակում: Տպագրվել են բուկլետներ, պատրաստվել և ցուցադրվել է տեսահոլովակ, ինչպես նաև ներկայացվել է մշակութային ծրագիր:

**○ Սահմանային էլեկտրոնային կառավարման տեղեկատվական (ՍԷԿՏ) համակարգի օգտագործմամբ զբոսաշրջության ոլորտի վիճակագրության բարելավման աշխատանքների ապահովում**

Մշակվել և 2018թ. ապրիլի 12-ին N14 արձանագրային որոշմամբ ՀՀ կառավարության հավանությանն է արժանացել «Հայաստանի Հանրապետությունում զբոսաշրջության վիճակագրության վարման մեթոդի կատարելագործմանն ուղղված միջոցառումների ծրագիրը»: ՀՀ վիճակագրական կոմիտեն ՀՀ շահագրգիռ կողմերի հետ մշակել է տեխնիկական առաջադրանքի նախագիծը, որը համաձայնեցվել է ՀՀ շահագրգիռ կողմերի հետ և վերջնական տարբերակը տրամադրվել է զբոսաշրջության կոմիտե, որին կհաջորդի գնառաջարկի և գնանշման հարցման իրականացման կազմակերպման գործընթացը:

**○ Հայկական զբոսաշրջային արդյունքի դիվերսիֆիկացում, մասնավորապես՝ կրոնական, էթնո-, էկո- զբոսաշրջային արդյունքների մշակում, քարտեզագրում, համապատասխան զբոսաշրջային երթուղիների գծագրում, թվայնացում և հրապարակում**

Մշակվել է «Գինու զբոսաշրջություն» զբոսաշրջային արդյունքի երթուղին, որը անցնում է Վայոց Ձորի, Տավուշի, Գեղարքունիքի, Արագածոտնի, Արարատի և Արմավիրի մարզերով, ներառում է զբոսաշրջային ծառայություններ մատուցող գինու գործարանները և պատմամշակութային կոթողները: Ընթանում են Armenia.travel պաշտոնական զբոսաշրջային կայքում զետեղված էլեկտրոնային քարտեզի ստեղծման աշխատանքները, որը պարունակելու է «Ռուսական հետք», «Գինու զբոսաշրջություն», «Ուխտագնացություն առաջին քրիստոնյա երկիր», «Գաստրո զբոսաշրջություն» և մի շարք այլ երթուղիներ, ինչպես նաև ավելին քան 100 արկածային երթուղիներ ամբողջ Հայաստանում: <https://www.armenia.travel> կայքում տեղադրվել են զբոսաշրջային արդյունքի զբոսաշրջային 7 ուղղություններ:

**8. ՊԵՏԱԿԱՆ ԳՈՒՅՔԻ ԿԱՌԱՎԱՐՄԱՆ ՀԱՄԱԿԱՐԳԻ ԱՐԴՅՈՒՆԱՎԵՏՈՒԹՅԱՆ ԲԱՐՁՐԱՑՈՒՄ**

2018 թվականի ընթացքում իրականացվել են հետևյալ աշխատանքները.

- Մշակվել է ՀՀ կառավարության որոշման համապատասխան նախագիծ, որով նախատեսվում է պետական գույքի օտարման գնի և պայմանների համար սկզբունքների սահմանում:
- Հիսուն և ավելի տոկոս պետական մասնակցությամբ առևտրային կազմակերպություններում ՀՀ սեփականությունը հանդիսացող բաժնետոմսերով հավաստված իրավունքները հավատարմագրային կառավարման հանձնելու կարգը հաստատվել է նոր խմբագրությամբ:
- 2018թ. ընդունվել են 3 ընկերությունների բաժնետոմսերի և 1 գույքի մասնավորեցման մասին ՀՀ կառավարության որոշումներ, ինչպես նաև կնքվել են պայմանագրեր 2017թ. ընթացքում մասնավորեցման որոշումներ ընդունված 2 ընկերությունների մասով:
- Ուսումնասիրվել է օտարման ենթակա պետական սեփականություն հանդիսացող գույքն առանց գնային առաջարկի վաճառքի կազմակերպման գործընթացը և մշակվել մեթոդական և իրավական դաշտը: